

四庫全書

集部

欽定四庫全書

萬首唐人絕句卷二十八

宋 洪邁 編

七言

覽鏡見白鬚

權德輿

秋來皎潔白鬚光  
試脫朝簪學舞狂  
一曲酣歌還自樂  
兒孫嬉笑挽衣裳

酬李韶州

詔下忽臨山水郡不妨從事恣攀登莫言向北千行鴈  
別有圖南六月鵬

答韋秀才

中峯雲暗雨霏霏水漲花塘未得歸  
心憶瓊枝望不見  
幾回虛濕薜蘿衣

貢院對雪寄崔閣老

寓宿春闈歲欲除嚴風密雪絕雙魚  
思君獨步西垣裏  
日日含香草詔書

寄李衡州

片石叢花畫不如  
芘身三徑豈吾廬  
主人十騎東方遠  
唯望衡陽鴈足書

戲贈張鍊師

月帔飄飄摘杏花  
相邀洞口勸流霞  
半酣乍奏雲和曲  
疑是龜山阿母家

贈天竺靈隱二寺主

石路泉流兩寺分  
尋常鐘磬隔山聞  
山僧半在中峯住

共占清猿與白雲

贈老將

白草黃雲塞上秋  
曾隨驃騎出并州  
鹿盧劍折虬鬚白  
轉戰功多獨不侯

酬趙尚書看花見寄二首

春光深處曲江西  
入坐風流信馬蹄  
鶴髮杏花相映好  
羨君終日醉如泥

杜城韋曲徧尋春  
處處繁花滿目新  
日暮歸鞍不相侍

與君同是醉鄉人

戲贈表兄崔秀才

何事年年戀隱淪，成名須遣及青春。  
明時早獻甘泉去，若待公車却誤人。

戲贈蘇九

蘇好讀元魯山文，或勸入關者。

白首書窗成鉅儒，不知簪組遍屠沽。  
勸君莫問長安路，且讀魯山子為無。

人日送房侍御歸越

驛騎歸時驄馬蹄蓮花府映若邪溪帝城人日風光早  
不惜離堂醉似泥

送十九兄歸江東

命駕相思不為名春風歸騎出關程離堂莫起臨岐歎  
文舉終當薦禰衡

獻歲送李十兄赴黔中

一尊歲酒且留歡三峽黔江去路難志士感恩無遠近  
異時應戴惠文冠

送從弟廣

夏雲如火鏢晨輝  
歎段羸車整素衣  
知爾業成還出谷  
今朝莫愴斷行飛

埔橋夜宴叙別

滿樹鐵冠瓊樹枝  
尊前燭下心相知  
明朝又與白雲遠  
自古河梁多別離

送袁太祝衡發巡覆

校緡稅畝不妨閒  
清興自隨魚鳥間  
知君此去足佳句



路出桐溪千萬山

揚州與丁山人別

將軍易道令威仙  
華髮清談得此賢  
惆悵今朝廣陵別  
遼東後會復何年

得撫州報喜戴員外無事二首

鶴髮州民擁使車  
人人自說受恩初  
如今天下無冤氣  
乞為邦君雪謗書

衆人舖啜喜君醒  
渭水由來不雜涇  
遮莫雪霜撩亂下

松枝竹葉自青青

答張工部

書來遠自薄寒山  
繚繞洮河出古關  
今日難裁秣陵報  
薤歌寥落柳車還

冬至宿齋時郡君南內朝謁因寄

清齋獨向丘園拜  
盛服想君興慶朝  
明日一陽生百福  
不辭相望阻寒宵

發破石路上却寄

莎柵東行五谷深  
千峯萬壑雨沈沈  
細君幾日路經此  
應見悲翁相望心

餘干別張侍御

蕪城陌上春風別  
于越亭邊歲暮逢  
驅車又愴南北路  
反照寒江千萬峯

別表兄韋卿

新讀兵書事護羌  
腰間寶劍映金章  
少年百戰應輕別  
莫笑儒生淚數行

和王祭酒太社宿齋不得赴李尚書宅會戲  
元禮門前勞引望  
句龍壇下阻歡娛  
此時對局空相憶  
博進何人更樂輸

八月十五日夜瑤臺寺對月

羸女乘鸞已上天  
仁祠空在鼎湖邊  
涼風遙夜清秋半  
一望金波照粉田

臘日龍沙會

簾外寒江千里色  
林中尊酒七人期  
寧知臘日龍沙會

却勝重陽落帽時

月夜過靈澈房

此身會逐白雲去未洗塵纓還自傷  
今夜幸逢清淨境  
滿庭秋月對支郎

贈廣通上人

身隨猿鳥在深山早有詩名到世間  
客至上方留盃漱  
龍泓洞水晝潺潺

宮人斜

一路斜分古驛前  
陰風切切晦秋煙  
鉛華新舊共冥冥  
日暮愁鷗飛野田

朝元閣

繚垣複道上層霄  
十月離宮萬國朝  
邊馬忽來清蹕去  
空餘臺殿照山椒

石甕寺

石甕寒泉勝寶井  
汲人回挂青絲綆  
厨煙半逐白雲飛  
當畫老僧來灌頂

舟行夜泊

蕭蕭落葉送殘秋  
寂寞寒波急暝流  
今夜不知何處泊  
斷猿晴月引孤舟

宿嚴陵

身羈從事驅征傳  
江入新安泛暮濤  
今夜子陵灘下泊  
自慙相去九牛毛

和陳閣老當直從東省過史館看花

寒食殿

畫漏沈沈倦鎖闌  
西垣東觀閱芳菲  
繁花滿樹似留客

應為主人休澣歸

棲霞寺雲居室

一徑縈紆至此窮  
山僧盥漱白雲中  
閒吟定後更何事  
石上松枝常有風

題崔山人草堂

竹徑茅堂接洞天  
閒持麈尾漱春泉  
世人車馬不知處  
時有歸雲到枕前

題柳郎中故居



下馬荒堦日欲曛  
潺潺石溜靜中聞  
鳥啼花落人聲絕  
寂寞山窗掩白雲

藥名詩

七澤蘭芳千里春  
瀟瀟花落石磷磷  
有時浪白微風起  
坐釣藤陰不見人

春日戲題二首

簷前曉色驚雙燕  
戶外春風舞百花  
粉署可憐閒對此  
唯令碧玉泛流霞

雨歇風輕一院香  
紅芳綠翠接東牆  
春衣試出當軒立  
定被鄰家暗斷腸

贈友人

知向巫山逢日暮  
輕裊玉佩暫淹留  
曉隨雲雨歸何處  
還是襄王夢覺愁

舟行見月

月入孤舟夜半晴  
寥寥雙鴈兩三聲  
洞房燭影在何處  
欲寄相思夢不成

石楠

石楠紅葉透簾春  
憶得粧成下錦裯  
試折一枝含萬恨  
分明說向夢中人

斗子灘

斗子灘頭夜已深  
月華偏向此時心  
春江風水連天闊  
歸夢悠揚何處尋

雜興五首

叢鬢愁眉時勢新  
初笄絕代北方人  
一顰一笑千金重

肯似成都夜失身

乍聽絲聲似竹聲  
又疑丹穴九雛驚  
金波露洗淨於晝  
寂寞不堪深夜情

琥珀尊開月映簾  
調絃理曲拍纖纖  
含羞斂態勸君住  
更奏新聲刮骨鹽

乳燕雙飛鶯亂啼  
百花如繡照深閨  
新粧對景如無比  
微笑時時出瓠犀

巫山雲雨洛川神  
珠襪香腰穩稱身  
惆悵粧成君不見

含情起立問傍人

黃蘗館

驅車振楫越山川  
候曉通宵冒煙雨  
青楓浦上菟已銷  
黃蘗館前心自苦

清明日次弋陽

自歎清明在遠鄉  
桐花覆水葛溪長  
家人定是持新火  
點作孤燈照洞房

七夕

今日雲駢渡鵲橋應非脈脈與迢迢家人競喜開粧鏡  
月下穿針拜九霄

太常寺宿齋有寄

轉枕挑燈候曉雞想君應歎太常妻長年多病偏相憶  
不遣歸時醉似泥

朝回閱樂寄絕句

子城風暖百花初樓上龜茲引導車曲罷卿卿理駟馭  
細君相望意何如

中書宿齋有寄

銅壺滴漏斗闌干  
泛灩金波照露盤  
遙想洞房眠正熟  
不堪深夜鳳池寒

玉臺體

嬋娟二八正嬌羞  
日暮相逢南陌頭  
試問佳期不肯道  
落花深處指青樓

雲

褚載

盡日看雲首不回  
無心都大似無才  
可憐光采一片玉

萬里晴天何處來

鶴

欲洗霜翎下澗邊  
却嫌菱刺污香泉  
沙鷗浦鴈應驚訝  
一舉扶搖直上天

長城

秦築長城比鐵牢  
蕃戎不敢過臨洮  
馬知萬里連雲色  
不及堯堦三尺高

鷺鷥

杜牧亦有



霜衣雪髮青玉骨羣捕魚兒溪影中驚飛低映碧山去  
一樹梨花落晚風

弔秦叟

市西樓店金千秤渭北田園粟萬鍾兒被殺傷妻被虜  
一身隨駕到三峯

定鼎門

邠鄜城高門倚天九重蹤跡尚依然須知道德無關鎖  
一閉乾坤一萬年

陳倉驛

錦翼花冠安在哉  
雄飛雌伏盡塵埃  
一雙童子應惆悵  
不見真人更獵來

宮怨二首

柯宗

塵滿金爐不在香  
黃昏獨立重廊筵  
歌何處承恩寵  
一一隨風入上陽

長門槐柳半蕭疎  
玉輦沈思恨有餘  
紅淚漸消傾國態  
黃金誰為達相如

長門怨

劉言史

獨坐爐邊結夜愁  
暫時恩去亦難留  
手持金筋垂紅淚  
亂撥寒灰不舉頭

樂府二首

花領紅駿一向偏  
綠槐香陌欲朝天  
仍嫌衆裏嬌行疾  
傍鐙深藏白玉鞭

珠噴團香小挂條  
玉鞭兼賜霍嫖姚  
弄影便從天禁出  
碧蹄聲碎五門橋

過春秋峽

峭壁蒼蒼苔色新  
無風晴景自勝春  
不知何樹幽崖裏  
臘月花開似北人

竹裏梅

竹與梅花相並枝  
梅花正發竹枝垂  
風吹總向竹枝上  
直似王家雪下時

古寺花

司空文明

共愛芳菲此樹中  
千跗萬葉裛衰枝  
紅遲遲欲去猶回望

覆地無人滿寺風

發渝州却寄韋判官

紅燭津亭夜見君  
繁絃急管兩紛紛  
平明分手空江轉  
唯有猿聲滿水雲

送盧徹之太原

榆落鵑飛關塞秋  
黃雲畫角見并州  
翩翩羽騎雙旌後  
上客親隨郭細侯

病中嫁女妓

萬事傷心在目前  
一身垂淚對花筵  
黃金用盡教歌舞  
留與他人樂少年

江村即事

罷釣歸來不繫船  
江村月落正堪眠  
縱然一夜風吹去  
只在蘆花淺水邊

峽口送友人

峽口花飛欲盡春  
天涯去住淚沾巾  
來時萬里同為客  
今日讎成送故人

登峴亭

峴山回首望秦關  
南向荊州幾日還  
今日登臨唯有淚  
不知風景在何山

贈歌人郭婉

商堯藩

石家金谷舊歌人  
起唱花筵淚滿巾  
紅粉少年諸弟子  
一時怊悵望梁塵

漢宮詞三首

成帝夫人淚滿懷  
璧宮相趁落空階  
可憐玉貌花前死

唯有君恩白燕釵

霍家有女字成君年小教人著繡裙  
枉殺宮中許皇后  
椒房恩澤是浮雲

駿馬金鞍白玉鞭  
宮中來取李延年  
承恩直入鴛鴦殿  
一曲清歌在九天

吹笙歌

伶兒竹聲愁繞空  
秦女淚濕燕支紅  
玉桃花片落不住  
三十六簧能喚風



新昌井

輓轆千轉勞筋力待得甘泉渴殺人且共山麋同飲澗  
玉沙鋪底淺磷磷

潭州席上贈舞柘枝妓

姑蘇太守青娥女流落長沙舞柘枝滿坐繡衣皆不識  
可憐紅臉淚雙垂

田家效陶

曹鄴

黑黍春來釀酒飲青禾刈了驅牛載大姑小叔常在眼

却笑長安在天外

徒相逢

江邊野花不須采  
梁頭野燕不用親  
西施本是越溪女  
承恩不薦越溪人

寄劉駕

一川草色青裊裊  
遶屋水聲如在家  
悵望美人不攜手  
牆東又發數枝花

題女郎廟

數點煙香出廟門  
女娥飛去影中存  
年年嶺上春無限  
露泣花愁斷客魂

北郭閒思

山前山後是青草  
盡日出門還掩門  
每思骨肉在天畔  
來看野翁憐子孫

偶題

白玉先生多在市  
青牛道士不居山  
但能共得丹田語  
正是忙時身亦閒

出關

山上黃犢走避人  
山下女郎歌滿野  
我獨南征恨此身  
更有無成出關者

官倉鼠

官倉老鼠大如斗  
見人開倉亦不走  
健兒無糧百姓饑  
誰遣朝朝入君口

聽劉尊師彈琴

曾遊清海獨聞蟬  
入向空山夜聽泉  
不似齋堂人靜後

秋聲長在七條絃

題山居

掃葉煎茶摘葉書  
心閒無夢夜窗虛  
只應光武恩波晚  
豈是嚴君戀釣魚

送人下第

馬嘶殘日沒殘霞  
二月東風便到家  
莫羨長安占春者  
明年始見故園花

早秋宿田舍

澗草踈踈螢火光  
山月朗朗楓樹長  
南村犢子夜聲急  
應是攔邊新有霜

題舒鄉

功名若及鷓鴣子  
必擬將舟泛洞庭  
柳色湖光好相待  
我心非醉亦非醒

萬首唐人絕句卷二十八

欽定四庫全書

萬首唐人絕句卷二十九

宋 洪邁 編

七言

同王維過崔處士林亭

盧象

映竹時聞轉轆轤  
當窗只見網蜘蛛  
主人非病常高卧  
環堵蒙籠一老儒

新晴愛月

陸暢



野性平生惟愛月，新晴半夜覩嬋娟。  
起來自擘紗窗破，恰漏清光落枕前。

雲安公主出降雜詠催粧二首

天上瓊花不避秋，今宵織女嫁牽牛。  
萬人惟待乘鸞出，乞巧齊登明月樓。

少粧銀粉飾金鈿，端正天花貴自然。  
聞道禁中時節異，九秋香滿鏡臺前。

坐障

白玉爲竿丁字成黃金繡帶短長輕強遮天上花顏色  
不隔雲中語笑聲

簾

真珠文織挂簷端錦緣羅旌千萬端早把玉鉤和月卷  
神仙愁怕水精寒

階

甃玉編金次第平花紋隱起踏無聲幾重便上華堂裏  
得見天人吹鳳笙

扇

寶扇持來入禁宮  
本教花下動香風  
姮娥須逐彩雲降  
不可通宵在月中

成都贈別席夔

不值分流二江水  
定應猶得且同行  
三千里外情人別  
更被子規啼數聲

游城東王駙馬亭

城外無塵水間松  
秋天木落見山容  
共尋蕭史江亭去

一望終南紫閣峯

望毛女峯

我種東峯千葉蓮此峯毛女始求仙今朝暗算當時事  
已是人間七萬年

送李山人歸山

來從千山萬山裏歸向千山萬山去山中白雲千萬重  
却望人間不知處

長安新晴

九重深淺人不知金殿玉樓倚朝日  
一夜城中新雨晴  
御溝流得宮花出

出藍田關寄董使君

萬里煙蘿錦帳閒雲迎水送度藍關  
七盤九折難行處  
盡是龔黃界外山

題悟公禪堂

臨壇付法十三春家本長城若下人  
芸閣少年應不識  
南山鈔主是前身

宿陝府北樓奉酬崔大夫二首

樓壓黃河山滿坐風清水涼誰忍卧人定軍州禁漏傳  
不妨秋月城頭過

一別朱門三四春再來應笑尚風塵  
昨宵唯有樓前月  
識是謝公詩酒人

陝州逢竇鞏同宿寄江陵韋協律

共出丘門歲九霜相逢悽愴對離觴  
荆南為報韋從事  
一宿同眠御史牀

夜到泗州酬崔使君

徐城洪盡到淮頭，月裏山河見泗州。  
聞道泗濱清廟磬，雅聲今在謝家樓。

送崔員外使回入京

六星宮裏一星歸，行到金鉤近紫微。  
侍史別來經歲月，今宵應夢護香衣。

成都送別費冠卿

紅椒花落桂花開，萬里同游俱未回。  
莫厭客中頻送客。

思鄉獨上望鄉臺

題高山廟

商洛秦時四老翁人傳羽化此山空若無仙眼何由見  
總在廟前花洞中

題獨孤少府園林

四面青山是四鄰烟霞成伴草成茵年年洞口桃花發  
不記曾經迷幾人

送獨孤秀才下第歸太白山



逸翮暫時成落羽將歸太白賞靈蹤  
須尋最近碧霄處  
擬倩和雲買一峯

下第後病中

獻玉頻年命未通窮秋成病悟真空  
笑看朝市趨名者  
不病那知在病中

送深上人歸江南

留得蓮花偈付誰獨攜金策欲歸時  
江南無限蕭家寺  
曾與白雲何處期

題自然觀

劔閣門西第一峯  
道陵成道有高蹤  
行人若上升仙處  
須撥白雲三四重

疾愈步庭花

挑紅李白覺春歸  
強步閒庭力尚微  
從困不扶靈壽杖  
恐驚花裏早鶯飛

籌筆店江亭

九折巖邊下馬行  
江亭暫歇聽江聲  
白雲綠樹不關我

狂與樵人樂一生

贈賀若少府

十日廣陵城裏住聽君花下撫金徽  
新聲指上懷中紙莫怪潛偷數曲歸

太子劉舍人邀看花

年少風流七品官朱衣白馬冶遊盤  
負心不報春光主幾處偷看紅牡丹

薔薇花

錦窠花朶燃叢醉翠葉眉稠  
衰露垂莫引美人來架下  
恐驚紅片落燕支

望簡寂觀

顧況

青嶂青溪直復斜  
白雞白犬到人家  
仙人住在最高處  
向晚春泉流白花

五兩歌送張夏

竿頭五兩風裏水  
上雲帆逐飛鳥  
送君初出揚州時  
靄靄曈曈江溢曉

臨海所居三首

此是昔年征戰處曾經永日絕人行  
千家寂寂對流水  
唯有汀洲春草生

此去臨溪不是遙樓中望見赤城標  
不知疊嶂重霞裏  
更有何人度石橋

家在雙峯蘭若邊一聲秋磬發孤煙  
山連極浦鳥飛盡  
月上青林人未眠

聽角思歸

故園黃葉滿青苔  
夢後城頭曉角哀  
此夜斷腸人不見  
起行殘月影徘徊

酬柳相公

天下如今已太平  
相公何事喚狂生  
箇身恰似籠中鶴  
東望滄溟叫數聲

題明霞臺

野人本自不求名  
欲向山中過一生  
莫嫌憔悴無知己  
別有煙霞似弟兄

哭絢法師

楚客停撓欲問誰  
白沙江草麴塵絲  
生公手種殿前樹  
唯有花開鷓鴣悲

送柳宜城葬

鳴笳已逐春風咽  
匹馬猶依舊路嘶  
遙望柳家門外樹  
恐聞黃鳥向人啼

宮詞五首

禁柳煙中聞曉鳥  
風吹玉漏盡銅壺  
內官先向蓬萊殿

金合開香瀉御鑪

玉樓天半起笙歌  
風送宮嬪笑語和  
月殿影開聞夜漏  
水精簾卷近銀河

玉階容衛宿千官  
風獵青旂曉仗寒  
侍女先來薦瓊藥  
露漿新下九霄盤

九重天樂降神仙  
步舞分行踏錦筵  
嘈囀一聲鐘鼓歇  
萬人樓下拾金錢

金吾持戟護新簷  
天樂聲傳萬姓瞻  
樓上美人相倚看



紅粧透出水精簾

尋桃花嶺潘三姑臺

桃花嶺上覺天低  
人上青山馬隔溪  
行到三姑學仙處  
還如劉阮二郎迷

夜中望仙觀

日暮銜花飛鳥還  
月明溪上見青山  
遙知玉女窗前樹  
不是仙人不得攀

送李侍御往吳興

世間只有情難說  
今夜應無不醉人  
若向洞庭山下過  
暗知澆瀝聖姑神

送李秀才入京

五湖秋葉滿行船  
八月靈槎欲上天  
君入長安予適越  
獨登秦望望秦川

越中席上看弄老人

不到山陰二十春  
鏡中相見白頭新  
此生不復爲年少  
今日從他弄老人

贈朱放

野客歸時無四鄰  
黔婁別久按常貧  
漁樵舊路不堪入  
何處空山猶有人

聽歌

子夜新聲何處傳  
悲翁更憶太平年  
只今法曲無人唱  
已逐霓裳飛上天

贈韋清將軍

身執金吾主禁兵  
腰間寶劍重橫行  
接輿亦是狂歌者

更就將軍乞一聲

贈僧二首

家住義興東舍溪溪邊  
莎草雨無泥上人一向心入定  
春鳥年年空自啼

出頭皆是新年少何處能容老病翁  
更把浮榮喻生滅  
世間無事不虛空

登樓望水

鳥啼花發柳含煙  
擲却風光憶少年  
更上高樓望江水

故鄉何處一歸船

湖中

青草湖邊日色低  
黃茅嶂裏鷓鴣啼  
丈夫飄蕩今如此  
一曲長歌楚水西

歲日作

不覺老將春共至  
更悲攜手幾人全  
還丹寂寞羞明鏡  
手把屠蘇讓少年

山中贈客

山中好處無人別  
澗梅偽作山中雲  
野客相逢夜不眠  
山中童子燒松節

王郎中妓席五詠

玉作搔頭金步搖  
高張苦調響連宵  
欲知寫盡相思夢  
度水尋雲不用橋

陸篔

汗浥新裝畫不成  
絲催急節舞衣輕  
落花遶樹疑無影  
回雪從風暗有情

舞

柳拂青樓花滿衣  
能歌宛轉世應稀  
空中幾處聞清響

欲遶行雲不遣飛歌

卷二十九

秦聲楚調怨無窮  
隴水胡笳咽復通  
莫遣黃鶯花裏轉  
參差撩亂妬春風

等

欲寫人間離別心  
須聽鳴鳳似龍吟  
江南曲盡歸何處  
洞水山雲知淺深

生

送李山人還玉溪

好鳥共鳴臨水樹  
幽人獨欠買山錢  
若爲種得千竿竹  
引取君家一眼泉

送少微上人還鹿門

少微不向吳中隱，爲箇生緣在鹿門。  
行入漢江秋月色，襄陽耆舊幾人存。

宿昭應

武帝祈靈太一壇，新豐樹色繞千官。  
豈知今夜長生殿，獨閉山門月影寒。

題琅邪上方

東晉王家在此溪，南朝樹色隔窗低。  
沈碑字滅昔人遠。



谷鳥猶向寒花啼

安仁港口望仙人城

樓臺采翠遠分明  
聞說仙家在此城  
欲上仙城無路上  
水邊花裏有人聲

寄祕書包監

一別長安路幾千  
遙知舊日主人憐  
賈生只是三年謫  
獨自無才已四年

小孤山

古廟楓林江水邊  
寒鴉接飯鴈橫天  
大孤山遠小孤出  
月照洞庭歸客船

葉道士山房

水邊垂柳赤欄橋  
洞裏仙人碧玉簫  
近得麻姑書信否  
潯陽向上不通潮

送李秀才游嵩山

嵩山石壁挂飛流  
無限神仙在上頭  
采得新詩題石壁  
老人惆悵不同遊

從剡溪至赤城

靈溪宿處接靈山  
窈映高樓向月閒  
夜半鶴聲殘夢裏  
猶疑琴曲洞房間

葉上題詩從苑中流出

花落深宮鶯亦悲  
上陽宮女斷腸時  
君恩不閉東流水  
葉上題詩寄與誰

崦裏桃花

崦裏桃花逢女冠  
林間杏葉落仙壇  
老人方授上清籙

夜聽步虛山月寒

聽子規

西霞山中子規鳥口邊血出啼不了山僧後夜初出定  
聞似不聞山月曉

竹枝曲

帝子蒼梧不復歸洞庭葉下荆雲飛  
巴人夜唱竹枝後腸斷曉猿聲漸稀

尋僧二首

方丈玲瓏花竹間已將心印出人間  
家家門外長安道  
何處相逢是寶山

彌天釋子本高情  
往往山中獨自行  
莫怪狂人游楚國  
蓮花只在淤泥生

桃花曲

魏帝宮人舞鳳樓  
隋家天子泛龍舟  
君王夜醉春眠晏  
不覺桃花逐水流

贈遠

暫出河邊思遠道  
却來窗下聽新鶯  
故人一別幾時見  
春草還從舊處生

早春思歸有唱竹枝歌者坐中下淚

渺渺春生楚水波  
楚人齊唱竹枝歌  
與君皆是思歸客  
拭淚看花奈老何

送郭秀才

故人曾任丹徒令  
買得青山擬獨耕  
不作草堂招遠客  
却將垂柳接啼鶯

宮詞

長樂宮連上苑春，玉樓金殿豔歌新。  
君門一入無由出，唯有宮鶯得見人。

憶故園

惆悵山多人復稀，杜鵑啼處淚霑衣。  
故園此去千餘里，春夢猶能夜夜歸。

櫻桃曲

百舌猶來上苑花，遊人獨自憶京華。  
遙知寢廟嘗新後

勅賜櫻桃向幾家

佳人贈別

萬里行人欲渡溪  
千行珠淚滴為泥  
已成殘夢隨君去  
猶有驚烏半夜啼

答顧況

包幼正

於越城邊楓葉落  
楚人書裏寄離騷  
寒江鷓鴣思儔侶  
歲歲臨流刷羽毛

歲日作



更勞今日春風至  
枯樹無枝可寄花  
覽鏡唯看飄亂髮  
臨風誰為駐浮槎

別青州妓段東美

薛宜僚

阿母桃花方似錦  
玉孫草色正如煙  
不須更向滄溟望  
惆悵歡情恰一年

公子行

孟賓于

錦衣紅奪彩霞明  
侵曉春遊向野庭  
不識農夫辛苦力  
驕驄踏爛麥青青

棲烏曲二首

劉方平

蛾眉曼臉傾城國  
鳴環動佩新相識  
銀漢斜臨白玉堂  
芙蓉行障揜燈光

畫舸雙艚錦為纜  
芙蓉花發蓮葉暗  
門前月色映橫塘  
感郎中夜波瀟湘

送別

華亭霽色滿今朝  
雲裏檣竿去轉遙  
莫怪山前深復淺  
清淮一日兩回潮

夜月

更深月色半人家，北斗闌干南斗斜。  
今夜偏知春氣暖，蟲聲新透綠窗紗。

春怨二首

紗窗日落漸黃昏，金屋無人見淚痕。  
寂寞空庭春欲晚，梨花滿地不開門。

朝日殘鸞伴妾啼，開簾只見草萋萋。  
庭前時有東風入，楊柳千條盡向西。



萬首唐人絕句卷二十九

欽定四庫全書

集部

萬首唐人絕句卷

三十三

詳校官庶吉士臣柳邁祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

萬首唐人絕句卷三十一

宋 洪邁 編

七言

烏棲曲

王建

章華宮人夜上樓  
君王望月西山頭  
夜深宮殿門不鎖  
白露滿山山葉墮

主人故池

曲池高閣相連起荷葉團團蓋秋水主人已遠涼風生  
舊客不來芙蓉死

長安別

長安清明好時節只宜相送不宜別惡心牀上銅片明  
照見離人白頭髮

宮人斜

未央牆西青草路宮人斜裏紅粧墓一邊載出一邊來  
更衣不減尋常數



春詞

良人朝早半夜起櫻桃如珠露如水下堂把火送郎回  
移枕重眠曉牕裏

野池

野池水滿連秋隄菱花結實蒲葉齊川口雨晴風復止  
蜻蜓上下魚東西

秋夜曲

秋燈向壁掩洞房良人此夜直明光天河悠悠漏水長

南斗北斗兩相當

別曲

毒蛇在腸瘡滿背  
去年別家今別弟  
馬頭對哭各東西  
天邊柳絮無根蒂

古謠二首

一東一西隴頭水  
一聚一散天邊霞  
一來一去道上客  
一顛一倒池中花

宛宛轉轉身上紗  
紅紅綠綠苑中花  
紛紛汨汨夜飛鴉

寂寂寞寞離人家

玉葉花

一樹籠鬢玉刻成  
飄廊點地色輕輕  
女冠夜覓香來處  
唯見堦前碎月明

歸山莊

長安寄食半年餘  
重向人邊乞薦書  
山路獨歸衝夜雪  
落斜騎馬避柴車

寒食憶歸

京中曹局無多事寒食貧兒要在家遮莫杏園勝別處  
亦須歸看傍村花

題崔秀才里居

自知名出休呈卷愛去人家遠處居時復打門無別事  
鋪頭來索買殘書

酬栢侍御答酒

茱萸酒法大家同好是盛來白椀中這度自知顏色重  
不消詩裏弄溪翁

別藥欄

芍藥丁香手裏栽  
臨行一日繞千回  
外人應怪難辭別  
總是山中自取來

長門

長門閉定不求生  
燒却頭花卸却箏  
病卧玉牕秋雨下  
遙聞別院喚人聲

題渭亭

雲開遠水傍秋天  
沙岸蒲帆隔野煙  
一片蔡州青草色

日西鋪在古臺邊

喜祥山館

夜過深山筭驛程  
三回黑地聽泉聲  
自離軍馬身輕健  
得向溪邊盡足行

上田尚書

去婦何辭見六親  
手中刀尺不如人  
可憐池閣秋風夜  
愁綠嬌紅一遍新

雨中寄東溪韋處士

雨中溪破無乾地浸著床頭濕著書一箇月來山水隔  
不知茅屋若為居

乞竹

乞取池西三兩竿房前栽著病時看亦知自惜難判割  
猶勝橫根引出欄

人家看花

年少狂疎逐君馬去來憔悴到京華恨無閒地栽仙藥  
長傍人家看好花

未央風

五更先起玉階東  
漸入千門萬戶中  
總向高樓吹舞袖  
秋風還不及春風

贈李僕射二首

和雪翻營一夜行  
神旗凍定馬無聲  
遙看火號連營赤  
知是先鋒上得城

旗幡四面著營稠  
手詔頻來老將愁  
每日臨行空挑戰  
不知生縛入唐州



送遷客

萬里潮州一逐臣  
悠悠青草海邊春  
天涯莫道無回日  
上嶺還逢向北人

廢寺

廢寺亂來為縣驛  
荒松老栢不生煙  
空廊屋漏畫僧盡  
梁上猶書天寶年

題禪師房

浮生不住葉隨風  
填海移山總是空  
長向人間愁老病

誰來閒坐此房中

看石楠花

留得行人忘却歸  
雨中須是石楠枝  
明朝獨上銅臺路  
容見花開少許時

長安縣後亭看畫

水凍橫橋雪滿池  
新排石笋遶巴籬  
縣門斜掩無人吏  
看畫雙飛白鷺鷥

贈工部郎中二首

金爐煙裏要班頭，欲得歸山可自由。  
每度報朝愁入閣，在先教示小千牛。

多在蓬萊可在家，越緋衫上有紅霞。  
朝回不向諸餘處，騎馬城西檢校花。

酬趙侍御

年少同為鄴下遊，閒尋野寺醉登樓。  
別來衣馬從勝舊，爭向邊塵滿白頭。

鑷白

總道老來無用處何須白髮在前生如今不用偷年少  
拔却三莖又五莖

九日登叢臺

平原池閣在誰家雙塔叢臺野菊花零落故宮無入路  
西來澗水繞城斜

題蔡中郎碑

蒼苔滿字土埋龜風雨消磨絕調詞不向圖經中舊見  
無人知是蔡邕碑

江館對雨

鳥聲愁雨似秋天  
病客思家一向眠  
草館門臨廣州路  
夜聞蠻語小江邊

雨過山村

雨裏雞鳴一兩家  
竹溪村路板橋斜  
婦姑相喚浴蠶去  
閒着中庭梔子花

對雨寄杜書記

竹煙江雨細相和  
看著閒書睡更多  
好是主人無事日

應持小拍按新歌

江陵道中

菱葉參差萍葉重  
新蒲半折夜來風  
江村水落平地出  
溪畔漁船青草中

江陵使至汝州

回看巴路在雲間  
寒食離家麥熟還  
日暮數峯青似染  
商人說是汝州山

送山人二首

嵩山古寺離來久回見溪橋野葉黃  
辛苦老師看守處  
為懸秋藥閉空房

山客狂來跨白驢袖中遺却潁陽書  
人間亦有妻兒在  
拋向嵩陽古觀居

揚州尋張籍不見

別後知君在楚城揚州寺裏覓君名  
西江水濶吳山遠  
却打船頭向北行

宿長安縣後齋

新向金階奏罷兵長安縣裏遶池行  
喜歡得伴山僧宿  
看雪吟詩直到明

華清宮二首

曉來樓閣更鮮明日出欄竿見鹿行  
武帝自知身不死  
看修玉殿號長生

酒幔高樓一百家宮前楊柳寺前花  
內園分得溫湯水  
三月中間已進瓜

宮前柳



楊柳宮前忽地春在前驚動探春人  
曉來唯欠驪山雨  
洗却秋條綠上塵

留別張廣文

謝恩新入鳳凰城  
亂定相逢合眼明  
千萬求方好將息  
杏花寒食的同行

送鄭山人歸山

玉作車轅蒲作輪  
當初不起潁陽人  
一家總入嵩山去  
天子因何得諫臣

傷墮水鳥

一鳥墮水百鳥啼相弔相號遶故堤  
眼見行人車輾過不妨同伴各東西

十五夜望月

時會  
琴客

中庭地白樹栖鴉  
冷露無聲濕桂花  
今夜月明人盡望  
不知秋思在誰家

眼病寄同官

天寒眼痛少心情  
隔霧看人夜裏行  
年少往來常不住

牆西凍地馬蹄聲

寄韋諫議

百年看似暫時閒  
頭白求官亦未閒  
獨有龍門韋諫議  
三徵不起戀青山

尋補闕舊宅

知得清名二十年  
登山上坂乞新篇  
除書近拜侍臣去  
空院烏啼風竹前

上魏博田侍中八首

去處長將決勝籌  
回回身在陣前頭  
賊城破後先鋒入  
看著紅粧不敢收

熨帖朝衣拋戰袍  
夔龍班裏侍中高  
對時先奏衙門將  
次第天恩與節旄

踏著家鄉馬脚輕  
暮山秋色眼前明  
老人上酒齊行拜  
得侍中來盡再生

功成誰不擁藩方  
富貴還須是本鄉  
萬里雙旌汾水上  
玉鞭遙指白雲莊

鼓吹旗幟道兩邊行男走女喜闐闐舊交省得當時別  
指點如今却少年

廣場破陣樂初收采纛高于百尺樓老將氣雄爭起舞  
管絃回作大纏頭

威聲萬里動寒煙草白天清塞馬閒觸處不如生處樂  
可憐秋月照江山

將士請衣忘却貧綠牕紅燭酒樓新家家盡踏還鄉曲  
明月街中不絕人

御獵

青山直入鳳城頭  
漣水斜分入御溝  
新校內人唯射鴨  
長隨天子苑東遊

山店

登登石路何時盡  
泱泱溪泉到處聞  
風動葉聲山犬吠  
一家松火隔秋雲

過綺岫宮

玉樓傾側粉牆空  
重疊青山遶故空  
武帝去來羅袖盡

野花黃蝶領春風

初冬旅遊

遠投人宿赴房遲  
僮僕傷寒馬亦飢  
為客悠悠十月盡  
莊頭栽竹已過時

寄劉黃問疾

年少病多應為酒  
誰家將息過今春  
賒來半夏重煎盡  
投著山中舊主人

夜看揚州市

夜市千燈照碧雲，高樓紅袖客紛紛。  
如今不似時平日，猶自笙歌徹曉聞。

觀蠻妓

欲說昭君歛翠蛾，清聲委曲怨於歌。  
誰家年少春風裏，拋與金錢唱好多。

華嶽廟二首

女巫遮客買神盤，爭取琵琶廟裏彈。  
聞有馬蹄生拍樹，路人來去向南看。



自移西嶽門長鎖一箇行人一遍開上廟參天今見在  
夜頭風起覺神來

老人歌

白髮歌人垂淚行上皇生日出京城如今供奉多新意  
錯唱當時一半聲

對酒

為病比來渾斷酒綠花不免却知聞從來樂事關身少  
主領春風只在君

秋夜對雨

夜山秋雨滴空廊  
燈照房前樹葉光  
對坐讀書終卷後  
自鋪衣被掃僧房

和元郎中八月十一至十五夜五首

半秋初入中旬夜  
已向階前守月明  
從未圓時看却好  
一分分見傍輪生

亂雲遮却臺東月  
不許交依次第看  
莫為詩家先見境  
被他龍興作艱難

今夜月明勝昨夜  
新添桂樹近東枝  
立多地濕昇床坐  
看過牆西寸寸遲

月似圓來漸漸凝  
玉盤盛水欲侵稜  
夜深盡放家人睡  
直到天明不炷燈

合望月時長望月  
分明不得似今年  
仰頭五夜風中立  
從未團圓直到圓

新晴後

住處近山常足雨  
聞晴曬曝舊方茵  
立秋日後無多熱

漸覺生衣不着身

霓裳詞十首

弟子部中留一色聽風聽水作霓裳散聲未足重來授  
直到牀前見上皇

中管五絃初半曲遙教合上隔簾聽一聲聲向天頭落  
效得仙人夜唱經

自直梨園得出稀更番上曲不教歸一時跪拜霓裳徹  
立地階前賜紫衣

旋翻曲譜聲初足  
除在梨園未教人  
宣與書家分手寫  
中官走馬賜功臣

伴教霓裳有貴妃  
從初直到曲成時  
日長耳裏聞聲熟  
拍數分毫錯總知

絃索攃攃隔采雲  
五更初發滿宮聞  
武皇自送西王母  
新換霓裳日色裙

勅賜宮人澡浴回  
遙看美女院門開  
一山星月霓裳動  
好字先從殿裏來

傳呼法部按霓裳新得承恩別作行日晚貴妃樓上看  
內人昇下綵羅箱

朝元閣上山風起夜聽霓裳露坐寒宮女月中更替立  
黃金梯滑並行難

知在華清年月滿山頭山底種長生去時留下霓裳曲  
半是離宮別館聲

朝天詞寄魏博田侍中八首

山川初定國圖寬未識龍顏坐不安風動白髯旌節下

過時天子御樓看

相感君臣總淚流  
恩深舞蹈不知休  
初從戰地來無物  
唯奏新添十八州

奏催三殿宴沂公  
別與諸侯總不同  
隔月太常先習樂  
金書牌燾采雲中

無人敢奪在先籌  
天子門邊送與毬  
遙索十箱新樣錦  
內家昇到馬前頭

御馬牽來親自試  
珠毬到處玉蹄知  
殿到宣勸連催上

未解紅纓不敢騎

四海無波乞放閒  
三封手跪獻龍顏  
他時若有邊城動  
不待天書自出山

戎馬悠悠未盡歸  
玉關猶隔吐蕃旗  
老臣三表求高卧  
邊事從今遣問誰

重賜弓刀內宴回  
看人城外滿高臺  
君臣不作其時別  
收盡邊旗當日來

萬首唐人絕句卷三十



欽定四庫全書

萬首唐人絕句卷三十一

宋 洪邁 編

七言

宮中詞一

王建

秋殿清齋刻漏長  
紫微宮女夜燒香  
拜陵日到公卿發  
鹵簿分頭出太常

二

羅衫葉葉繡重重金鳳銀鵝各一叢每遍舞時分兩向  
太平萬歲字當中

三

魚藻池中鎖翠蛾先皇行處不曾過如今池底休鋪錦  
菱角雞頭積漸多

四

殿前明日中和節連夜瓊林散舞衣傳報所司分蠟燭  
監開宮鎖放人歸

五

五更三點索金車  
盡放宮人出看花  
仗下一邊催立馬  
殿頭先報內園家

六

小殿初成粉欲乾  
貴妃姊妹自來看  
為逢好日先移入  
續向街西索牡丹

七

內人相續報花開  
準擬君王便看來  
逢著五絃紅繡袋

宜春院裏按歌回

八

巡吹慢遍不相和  
暗數看誰曲校多  
明日梨園花裏設  
先須逐得內家歌

九

黃金合裏盛紅雪  
重結香羅四出花  
一一傍邊書勅字  
中官送與大臣家

十

天明東上閣門開排仗聲從殿裏來阿監兩邊相對立  
遙聞索扇一時回

十一

日高殿裏有香煙萬歲聲長動九天妃子院中新降誕  
內家分得洗兒錢

十二

宮花不與外邊同正月長先一半紅供御櫻桃看守別  
直無鴉鳥到園中

十三

殿前鋪設兩邊樓寒食宮人步打毬一半走來齊跪拜  
上棚先謝得頭籌

十四

太儀前日暖房來囑向昭陽乞藥裁勅賜一窠紅躑躅  
謝恩未了奏花開

十五

御前新賜紫羅襦不下金階上軟輿官局總來為喜樂

院中新拜內尚書

十六

鸚鵡誰教轉舌闕內人  
手裏養來姦語多  
更覺承恩澤  
數對君王憶隴山

十七

分朋閒坐賭櫻桃  
休却投壺玉腕勞  
各把沉香雙陸子  
局中鬪累阿誰高

十八

春風院院落花堆金鎖生衣掣不開更築歌臺起粧殿  
明朝先進畫圖來

十九

行中第一爭先舞博士傍邊亦被欺忽覺管絃先破拍  
急翻羅袖不教知

二十

日冷天晴近臘時玉階金瓦雪離離浴堂門外抄名入  
公主家人謝面脂



二十一

未承恩澤一家愁  
乍到宮中憶外頭  
求守管絃聲款逐  
側商調裏唱伊州

二十二

雨入珠簾滿殿涼  
避風新出石盆湯  
內人恐要秋衣著  
不住熏籠換好香

二十三

東風潑火雨新收  
舁盡春泥掃雪溝  
走馬犢車當御路

漢陽公主進雞毬

二十四

風簾水閣壓芙蓉  
四面鈎闌在水中  
避熱不歸金殿宿  
秋河織女夜粧紅

二十五

金吾除夜進儺名  
畫袴朱衣四隊行  
院院燒燈如白日  
沉香火底坐吹笙

二十六

避暑昭陽不擲盧井邊  
含水噴鴉雛內中數日無呼喚  
搦得滕王蛺蝶圖

二十七

內宴初休入二更  
殿前燈火一時明  
宮中傳旨音聲散  
諸院門開觸處行

二十八

忽地金輿向月陂  
內人接著便相隨  
却回龍武軍前過  
當處教開卧鴨池

二十九

樹葉初成鳥護窠  
石榴花裏笑聲多  
衆中遺却金釵子  
拾得從饒購贖羅

三十

畫得天河刻作牛  
玉梭金鑷采橋頭  
每年宮女穿針夜  
勅賜諸親乞巧樓

三十一

新秋白兔大如拳  
紅耳霜毛趁草眠  
天子不教人射殺

玉鞭遮到馬蹄前

三十二

籠煙紫氣日曛曛  
宣政門開玉殿風  
五刻閣前卿相出  
下簾聲在半天中

三十三

白玉牕中起草臣  
櫻桃初出賜嘗新  
殿頭傳語金階遠  
只進詞臣謝聖人

三十四

內人對御疊花牋繡坐移來玉案邊紅蠟燭前呈草本  
平明昇出閣門宣

三十五

千牛仗下放朝初玉案傍邊立起居每日請來金鳳紙  
殿頭無事不多書

三十六

延英引對碧衣郎江硯宣毫各別牀天子下簾親考試  
宮人手裏過茶湯

三十七

少年天子愛邊功  
親到凌烟畫閣中  
教覓勲臣寫真樣  
長生殿裏作屏風

三十八

樓前立仗看宣赦  
萬歲聲長拜舞齊  
日照采盤高百尺  
飛仙爭上取金雞

三十九

新調白馬怕鞭聲  
供奉騎來遶殿行  
先報諸王侵早入

隔門催進打毬名

四十

對御難爭第一籌  
殿前不打背身毬  
內人唱好龜茲急  
天子捎回過玉樓

四十一

新衫一樣殿頭黃  
銀帶排方鞬尾長  
總把玉鞭騎御馬  
綠髻紅額麝香香

四十二



城東北面望雲樓半下珠簾半上鈎騎馬行人長速過  
忽防天子在樓頭

四十三

宮人拍手笑相呼不識庭前掃地夫乞與金錢爭借問  
外頭還似此間無

四十四

小隨阿姊學吹笙見好君王賜與名夜拂玉牀朝把鏡  
黃金殿外不教行

四十五

春來睡困不梳頭  
懶逐君王苑北遊  
暫向玉花階上坐  
簸錢贏得兩三籌

四十六

禁寺紅樓內  
裏通香山引  
駕夾城中  
裏頭蕃女簾前立  
手把牙梢竹彈弓

四十七

別教教歌不出房  
一聲一遍奏  
君王再三博士留  
殘拍

索向宣徽作徽章

四十八

私縫黃帔捨釵梳欲得金仙觀裏居近被君王知識字  
收來案上檢文書

四十九

聖人生日明朝是私地教人囑內監自寫金花紅膀子  
在前進上鳳凰衫

五十

玉蟬金掌三層插翠髻高髻綠鬢虛舞處春風吹落地  
當時別賜一頭梳

五十一

射生宮女宿紅粧把得新弓各自張臨上馬時齊賜酒  
男兒跪拜謝君王

五十二

十三初學擘箏篴弟子名中被點留昨日教坊新進入  
並房宮女與梳頭

五十三

紅蠻捍撥帖胷前移坐當頭近御筵用力獨彈金殿響  
鳳凰飛出四條絃

五十四

春風吹展曲旗竿得出深宮不怕寒誇道自家能走馬  
園中橫過覓人看

五十五

粟金犀帶碧牙錐散插紅翎玉突枝旋獵一邊還引馬

歸來雞兔繞鞍垂

五十六

雲駮花駿各試行一般毛色一般纓殿前來往重騎過  
欲得君王別賜名

五十七

往來舊院不中修教近金鑾別起樓聞有美人新入內  
宮中未識大家愁

五十八

合暗報來門鎖了夜深應別喚笙歌房房下著珠簾睡  
月過金階冷露多

五十九

御池水色春來好處處分流白玉渠密奏君王知八月  
喚人相伴洗裙裾

六十

新晴水色暖溫暎岸雪初消澹水渾今日踏青歸校晚  
傳聲留著望春門

六十一

家常愛著舊衣裳空插紅梳不作粧忽地下階裙帶解  
非時應得見君王

六十二

舞來汗濕羅衣徹樓上人扶下玉梯歸到院中重洗面  
金花盆裏潑紅泥

六十三

青樓少婦呀裙長總被抄名入教坊春設殿前為隊舞



朋頭各自請衣裳

六十四

艾心芹葉初生小  
祇鬪時新不鬪花  
總待大家般數盡  
袖中拈出鬱金芽

六十五

衆中愛得君王喚  
偷把金箱筆硯開  
書破紅蠻隔子上  
旋推當直內人來

六十六

欽定四庫全書

萬首唐人絕句  
卷三十一

紅燈睡裏喚春雲  
雲上三更直宿分  
金砌雨來行步滑  
兩人擡起隱花裙

六十七

內鷹籠脫解紅條鬪  
勝爭飛出手高直上青雲還却下  
一雙金爪掬花毛

六十八

競渡船頭掉采旗  
兩邊濺水濕羅衣  
池東爭向池西岸  
先到先書上字歸

六十九

燈前飛出玉階蟲未卧常聞半夜鐘  
看著中元齋日到  
自盤金線繡真容

七十

步行送入長門裏不許來辭舊院花  
只恐他時身到此  
乞求恩赦放還家

七十一

一時起立吹簫管得寵人來滿殿  
迎整頓衣裳皆著却

舞頭當拍第三聲

七十二

琵琶先抹綠腰頭小管丁寧側調愁半夜美人雙起唱  
一聲聲出鳳凰樓

七十三

春池日煖少風波花裏牽船水上歌遙索劍南新樣錦  
東宮先釣得魚多

七十四

蜂鬚蟬翅薄鬆鬆浮動搔頭似有風  
一度出時拋一遍  
金條零落滿函中

七十五

教遍宮娥唱盡詞暗中頭白没人知  
樓中日日歌聲好  
不問從初學阿誰

七十六

每夜停燈熨御衣銀熏籠底火微微  
遙聽帳裏君王覺  
上番聲鐘始得歸

七十七

樹頭樹底覓殘紅一片西飛一片東自是桃花貪結子  
錯教人恨五更風

七十八

因喫櫻桃病放歸三年著破舊羅衣內中侍從來還去  
結得頭花上貴妃

七十九

欲迎天子看花去下得金階却悔行恐見失恩人舊院

回頭憶著五絃聲

八十

自知歌舞勝諸人  
邀勒君王出內頻  
奉勅空中修理院  
地衣簾額一時新

八十一

悶來無處可思量  
旋下金階旋憶牀  
收得山丹紅藥粉  
鏡前洗却麝香黃

八十二

嫌羅不著索輕繡對面教人染退紅衫子成來一遍出  
明朝半片在園中

八十三

彈棋玉指兩參差背局臨虛闕著危先打角頭紅子落  
上三金字半邊垂

八十四

御厨不食索時新每見花開即是春白日睡多嬌似病  
隔簾教喚女醫人



八十五

叢叢洗手繞金盆  
旋拭紅巾入殿門  
衆裏遙拋金橘子  
在前收得便承恩

八十六

兩樓新換珠簾額  
中尉明朝設內家  
一樣金盤五十面  
紅酥點出牡丹花

八十七

盡送香毬出內家  
記巡傳把一枝花  
散時各自燒紅燭

相逐行歸不上車

八十八

宿粧殘粉未明天總立  
昭陽花樹邊寒食內人長白打  
庫家先散與金錢

八十九

後宮宮女無多少盡向園中笑  
一團舞蝶落花相覓看  
春風共語亦應難

九十

玉蕭改調箏移柱催換紅羅繡舞筵未戴柘枝花帽子  
兩行宮監在簾前

九十一

宛轉黃金白柄長青荷葉子畫鴛鴦把來不是呈新樣  
欲進微風到御牀

九十二

供御香方加減頻水沈山麝每回新內中不許相傳出  
已被醫家寫與人

九十三

牕牕戶戶院相當總有珠簾玳瑁牀雖道君王不來宿  
帳中長下著香囊

九十四

蓬萊正殿壓雲鼇紅日初生碧海濤開著五門遙北望  
柘黃新筩御牀高

九十五

金殿當頭紫閣重仙人掌上玉芙蓉太平天子朝元日

五色雲車駕六龍

九十六

平明開著九重關  
金畫黃龍五色幡  
宣至銀臺排仗合  
聖人三殿冊西番

九十七

丹鳳樓前把火開  
先排法駕出蓬萊  
棚前走馬人宣慰  
只拜南郊當日回

九十八

集賢殿裏圖書滿  
校勘頭邊御印同  
真迹進來知字數  
別收鎖在玉函中

九十九

移來女樂部頭邊  
新賜花檀木五絃  
緜得紅羅手帕子  
當中更畫一雙蟬

一百

藥童食後送雲漿  
高殿無風扇少涼  
每到日中重掠鬢  
袂衣騎馬遶宮廊

大正四

萬首唐人絕句

三

萬首唐人絕句卷三十一